



TASHABBUS

## СУРХОНДАРЁДА “BOOK TAXI” СТАРТ ОЛДИ



Ёшлар иттифокининг вилоят кенгаши ташаббуси билан ташкил этилган лойиҳа ёш авлодни мутолаага жалб этиш, аҳоли, айниқса, ёшлар ўртасида китобхонлик маданиятини оширишга қаратилган билан аҳамиятлидир. Шартлар оддий. Лойиҳада иштирок этаётган транспорт воситаларига чиккан йўловчи “Камалак” болалар ташкилоти сардорлари тузган саволларга тўғри жавоб берса бўлди.

Кун давомида худуддаги барча туман ва шаҳарларда ўтказилган лойиҳа доирасида 100 нафар иштирокчига бадиий адабиётлар совға килинди.

Ақбар НОРМУРАДОВ

BELLASHUV

## ҲАРБИЙЛАР ИНШО ЁЗДИ



Юрт тинчлиги, сархаларимиз дахлсизлиги миллий армиямиз кўлида. Ҳарбийлар нафақат жисмонан бақувват, балки маънавияти юксак инсонлар бўлиши жуда муҳим. Амир Темур, Захириддин Мухаммад Бобурдек буюк боболаримиз бу жиҳатдан бизга ибрат. Улар ҳарбий ишнинг мукамал ўзлаштирибгина қолмай, салоҳиятли ҳукмдор, диний ва дунёвий билимлар эгаси бўлгани барчага маълум.

Аждодларга муносиб авлодни тарбиялаш мақсадида Жиззах давлат педагогика институти қошидаги Сайилжойи академик лицейида тинчлик посбонлари ўртасида иншолар танлови ўтказилди. Унда Ўзбекистон Республикаси Миллий гвардияси вилоят бўлими маси ҳарбий хизматчилари ижодий қобилияти синовдан ўтказилди.



Ёшлар иттифокининг вилоят кенгаши ташаббуси билан “Захириддин Мухаммад Бобур умумармия ёшлари нигоҳида” шиори остида ташкил қилинган интеллектуал беллашув олдидан лицей ўқувчилари аскар акаларига ўзлари тайёрлаган бадиий дастурни намойиш этди. Бобур рубойларидан парчалар ўқилди. Саҳна кўринишлари орқали бобомизнинг ибратли ҳаёт йўли гавдалантирилди.

Шундан сўнг танлов иштирокчилари иншо ёзишга киришди. Тақдим этилган ишлар нуфузли ҳакамлар хайъати аъзолари томонидан диққат билан кўриб чиқилиб, одилона баҳоланди. Ҳалиларга ташкилотчиларнинг эсдалик совғалари топширилди.

Элдор НАВРЎЗОВ. Муаллиф олган суратлар.

JAMOATCHILIK NAZORATI

## ЯХШИЛАР БОР БЎЛСИН!



Дунёда меҳнат мигрантларининг оқими кенгайяпти. Мазкур жараён ҳисобига мамлакатлар минглаб ишчи кучларидан айрилмоқда. Бунинг ортидан кўрилатган ижтимоий, иқтисодий зиён, демографик, ҳуқуқий ва психологик таъсирларнинг эса, адоғига етиш қийин.

Ўзбекистон худудидан ҳам ҳар йили аҳолининг муайян қисми ишлаш мақсадида хорижга чиқиб кетади. Мигрантлар орасида ёшлар, шубҳасиз, кўпчиликини ташкил қилади. Улар вақт ўтиб яна уйига қайтади. Лекин мана шу контингент билан доимий ишлаш, ўз юртида қолиб, меҳнат қилишига эришиш, илғор ташаббусларини рағбатлантириш ва ислохотлар жараёнида фаол иштирокини таъминлаш долзарб масала.

Бу борда Ёшлар иттифоқи аниқ амалий иш олиб бормоқда. Жумладан, ташкилотнинг “Қизилтепа” тумани кенгаши худуддаги жами 48 та маҳаллада истикомат қилаётган собик муҳожирилар учун ўқув-семинарлар, шахсий томорқадан самарали фойдаланиш мавзусида тақдиротлар, шунингдек, йирик ишлаб чиқариш корхоналари ва саноат зоналарига саёхатларни уюштириб келмоқда.

YOSHLAR ITTIFOQI LOYIHALARI



Тарбия билан боғлиқ ҳар қандай муаммонинг тубида лоқайдлик, бефарқлик ва масъулиятсизлик ётади. Ота-оналар вақт бемаҳал бекорчиликдан кўча-кўйда мақсадсиз юрган фарзанд билан қизиқмас, унга меҳр бермаса, эътибор қаратмаса бундай ёшларнинг тақдирини не кечади? Ахир фарзанд тарбиянинг асосини ота-онасидан олади-ку!

Кун сайин “камрови” кенгайиб бораётган интернет-кафедраларда ўсмирларнинг нима билан машғуллиги нафақат ота-онани, балки бутун жамиятни сергаклантириши лозим. Чунки уларнинг ўйнаётган ўйинлари ваҳшийлик, шафқатсизлик ва жангариликни тарғиб қилмоқда. Тунги клубларда ҳам навқирон йигит-қизларимизнинг телбаном рақслари, гиеҳвандлик, ичкилик таъсиридан ўзаро баҳс ҳамда тортишувлари турли жиноят ва ҳуқуқбузарликларни келтириб чиқармоқда.

Ёшлар ўртасида ҳуқуқбузарликларни қамайтириш, вояга етмаганлар орасида маъмурий ва майда безориликларни барвақт олдини олиш, ҳарбий хизматдан қайтган ёшларнинг бандлигини таъминлаш мақсадида Ўзбекистон

яқин вақтгача Россия Федерациясининг Саранск шаҳрида дуралгор бўлиб ишлаган 21 яшар Марат Исомидинов она қишлоғида талбиркорлик билан шуғулланиш ниятида эканини айтиб, имтиёзли кредит олишда ёрдам сўраган. Масала жойида ҳал этилди. Тенгдошимизга “Ҳар бир оила — талбиркор” дастури доирасида “Халқ банки” филиали томонидан кредит ажратилган бўлди.

Шунингдек, Ёшлар иттифоқининг Нурота тумани кенгаши мутасаддилари “Шахристон” маҳалласида яшовчи саккиз нафар меҳнат мигранти хонадонига бориб, ижтимоий аҳолини ўрганди.

1992 йилда туғилган Ўткир Каримов ҳам Россияда ишлаб қайтганлардан. Бугунги кунда у ўз уйида ёғочдан рўзғор буюмларини ясаб сотмоқда. Лекин яйраб ишлаш учун ҳовлиси торлик қилляпти. Ишчи гуруҳи бу муаммога бефарқ бўлмади. Энди Ўткирга маҳалла худудида алоҳида жой ажратиб берилди.

— Ўтган йилнинг октябрь ойида Қозғистонга ишлаш учун бориб, оёғимдан қаттиқ жароҳат олгандим, — дейди 22 ёшли Ҳайитбой Раҳмонов. — Аммо операция қилишга пул йўқ. Иттифок вакиллари



Яқинда “Работ” маҳалласидаги ёшлар иштирокида талбиркорлик, бандлик, саломатлик ва гигиена, диний-маърифий йўналишларда учрашувлар ташкил қилинди. Давра суҳбатларининг бирида

даволашни учун керакли барча харажатларини қоплашга ваъда берди. Жуда хурсандман. Яхшилар доим бор бўлсин!

Рохатой ҚОДИРОВА

SPORT

## СПАРТАКИАДАГА 300 НАФАР ЁШ ЖАЛБ ЭТИЛДИ



Термиз туманида “Ёшлар — келажак бунёдкори” шиори остида спартакиада бўлиб ўтди. Ёшларнинг спортга кенг жалб этиш, уларнинг бўш вақтини мазмунли ташкил этиш мақсадида ўтказилган мусобақада 300 нафарга яқин йигит-қиз иштирок этди.

Яқинда ғолиб ва совриндорлар аниқланиб, уларга диплом, эсдалик совғалар топширилди.

— Беллашувларга худуддаги маҳаллаларда яшовчи вақтинча ишсиз ёшлар жалб этилди, — дейди Ёшлар иттифоқининг туман кенгаши раиси Раҳматулло Тоғоев. — Қувонарлиси, улар турнирда катта қизиқни билдирди. Келгусида бундай мусобақаларни доимий ўтказишни режалаштирдик.

Наргиза РАҲМАТУЛЛАЕВА

AKSIYA

## СОВҒАСИГА — КИТОБ

Элликқалъа туманидаги Сарбий агроиқтисодиёт коллежида “Фарзандимга китоб совға қиламан” шиори остида акция ўтказилди. Унда вақтинча ишсиз ёшлар, умумтаълим мактаблари ва касб-хунар коллежлари ўқувчилари ҳамда уларнинг ота-оналари иштирок этди.

Акция давомида бадиий ва энциклопедик адабиётлар ярмаркаси ташкил қилиниб, ҳамма ўзига манзур китобни ҳамёнбоп нарҳда сотиб олиш имконига эга бўлди. Шу жойининг ўзида асарларнинг ғоявий юки, мазмун-моҳияти, бадиий ва тарбиявий аҳамияти ҳусусида фикр алмашилди.

Алишер ХУДАЙБЕРГАНОВ

## ЁШЛАР ЖИНОЯТЧИЛИГИ КАМАЯДИ(МИ)?

Тилни ноҳўя ишлатиш ҳалокатга, қўлни ноҳўя ишлатиш эса, жиноятга йўлиқтиради. Биз учун ҳаёт-мамонт масаласи саналган бола тарбиясида сергаклик, оқиллик ва одиллик муҳим. Бонси бир қарашда кичик кўринган ушбу масала кейинчалик катта муаммоларни келтириб чиқариши турган гап.

Ёшлар иттифоқи ташаббуси билан ҳар ойнинг охириги ўн кунлигида худудларда “Барчаси ўз кўлингга” шиори остида тарғибот декадаси ўтказилмоқда. Мазкур декадага ички ишлар органлари ва Миллий гвардия масъул ходимлари, туман (шаҳар)лардан шакллантирилган 1 минг 750 нафар тарғиботчи йигит-қиз ҳамда 7 минг 600 нафар кўнгилли ёшдан тузилган “Фидокор ёшлар” патруль гуруҳлари жалб этилган. Айни пайтгача улар иштирокида 197 маротаба тунги рейд ўтказилди. 87 та таълим муассасасида “Ўқувчи”, “Тин” профилактик талбирлари ташкил этилиб, 780 нафар вояга етмаган ёш ва уларнинг ота-оналари билан тушунтириш ишлари олиб борилди. 120 нафар ўғил-қиз таълимга қайтарилиб, 34 нафар фарзандларининг таълим олишига тўсқинлик қилган ота-оналарга маъмурий баённомалар тузилди. Шунингдек, 22 нафар ёш ички ишлар органлари профилактик назоратидан чиқарилди.

Тарғибот декадаси доирасида тарбияси оғир ва жиноят содир этишга мойил бўлган 93 нафарга яқин йигит-қиз билан яқка тартибда суҳбатлар уюштирилиб, улар тиббий кўриқдан ўтказилди.

Маҳаллалардаги 530 нафар жиноят содир этишга мойил бўлган ва тарбияси оғир ёш иштирокида жойларда “Street sport”, “Workout” спорт мусобақалари ўтказилди, худудлардаги 92 та ҳарбий қисмда учрашувлар ташкил этилди.

Шунингдек, декада доирасида наврасталарнинг ҳуқуқий, сиёсий саводхонлигини юксалтириш мақсадида худудлардаги Ёшлар марказлари, таълим муассасалари, ҳарбий қисм, корхона ва ташкилотлардаги 29 минг 710 нафар ёшнинг жалб этилган ҳолда Ўзбекистон Республикаси Президентининг 2018 йил 28 декабрдаги Олий Мажлисига Мурожаатномасининг мазмун-моҳиятини тушунтириш бўйича 603 та тарғибот талбирлари ташкил этилди.



Амалга оширилган ишлар натижасида 2019 йилнинг январь ойи ҳолатига кўра, ёшлар жиноятчилиги ўтган йилга нисбатан 48,8 фоизга, вояга етмаганлар томонидан содир этилган жиноятлар эса, 20 фоизга камайди.

— Ҳар бир декада якуни бўйича олиб борилган ишларнинг натижадорлиги, самарадорлиги таҳлил этиб борилляпти, — дейди Ўзбекистон ёшлар иттифоқи



бўлим мудри Ақмал Алимов. — Худудларда содир этилаётган жиноятларнинг турига қараб декадалардаги лойиҳалар ўзгартирилади. Бу орқали жойларда муаммонинг илдиизи аниқланиб, уларни бартараф этиш бўйича зарур чоралар кўрилади.

Бундан ташқари, декада жазони ижро этиш муассасаларидаги ёшлар билан ишлаш, уларни соғлом ҳаётга қайтариш масаласига ҳам алоҳида эътибор қаратмоқда. Хусусан, бундай йигит-қизлар учун фан, касб-хунар ва спорт тўғрисидаги фаолияти йўлга қўйилди. Келгусида 26 турдаги фан, касб-хунар, спорт ва чет тиллари бўйича тўғраракларни ташкил этиш ҳамда уларга йил давомида икки минг нафарга яқин жазо муддатини ўтаётган ёшнинг қамраб олиш режалаштирилган.

Мусахан ОЛИМОВ, Шахноза НУРУЛЛАЕВА



